



Tukua a Whakaaro Kia Rere

Māui Haututū
Tō Tuakiri, Tō Oranga, Tō Mātau

Te whai hua - kia ora!

sorted
inSchools

Ingoa:



Te Rārangi Kaupapa

3 He Kupu Whakataki

4 ‘Tukua a Whakaaro Kia Rere’

5 Kaupapa 1

Tō tuakiri me te mātau ahumoni


8 Kaupapa 2

Te Whare Tapa Whā: te oranga torowhānui me te mātau ahumoni

12 Kaupapa 3

Te tikanga o te whai rawa, o te hōhonu rānei o te pūkoro ki te rangatahi Māori





He Kupu Whakataki

I tēnei rauemi, me tūhura koe i te mātau ahumoni hei wāhi iti mō tō oranga torowhānui katoa.

E toru ngā kaupapa me ngā pātai matua:

1. Tō tuakiri me te mātau ahumoni
 - Ka pēhea ō māramatanga ki tō tuakiri, ki tō papa kāinga, ki tō tūnga hoki i te ao e whakaawe ai i tō māramatanga ki te mātau ahumoni?
2. Te Whare Tapa Whā: te oranga torowhānui me te mātau ahumoni
 - He aha te hononga i waenga i te oranga me te mātau ahumoni?
3. Te tikanga o te whai rawa, o te hohonu o te pūkoro rānei ki te rangatahi Māori
 - Mēnā ko koe tētahi rangatahi Māori e kaha mātau ana ki te ahumoni, kua whai rawa koe, kua hōhonu rānei ō pūkoro?

Kotahi anō hoki:

He ngohe whakawhanake – ‘Te Koha me te Oranga o te Tangata’.

I ēnei wāhanga e toru, ka torotoro anō koe i:

- te mārama ki te hononga i waenga i te kōiwi, te whānau, te oranga me te mātau ahumoni.
- ngā ariā o te koha, o te manaakitanga, o te aroha, me te mana - ka pēhea e tūhono ai i ngā pūkenga me ngā ariā o te wā ki te mātauranga ahumoni.
- te tautohu i ētahi āhuatanga o ngā whakaaro o te Māori e pā ana ki te whai rawa, me te horopaki o ēnei, hei wāhanga mō te oranga.



‘Tukua a Whakaaro Kia Rere’

Tō tuakiri, tō oranga, tō mātau ahumoni

Ko Māui tētahi o ngā tīpuna rongonui puta noa i Aotearoa. Nā Māui rātou ko ūna tuākana te rā i whakapōturi nā tō rātou pīrangī kia roa ake te wā e noho tahi ai te whānau. Nā te whakaroa i ū rātou rā, i whai hua ake ai tā te whānau mahi, arā, ngā mahi o ia rā, pēnei i te mahi māra, i te hao ika, i te aruaru hoki, ka mutu, he wā i toe e noho tahi tonu ai te whānau. Ka tauhokohoko a Māui me ūna tuākana i ngā hua o ū rātou mahi ki ētahi atu whānau, ki ētahi hapū hoki i te wāhi tauhokohoko o te takiwā.

Ko te āhua nei, kua mārama kē rātou ki te kōrero e kaha rangona ana, ‘Ko te wā te moni, ko te moni te wā’. Nā runga i te whakaroanga o te wā, kua nui kē atu ngā hua o ū rātou mahi mō te tauhokohoko e whai rawa anō ai, kua nui ake hoki te wā e noho tahi ai hei whānau. Nā tāna whakapōturi i te rā, i takohatia mai ai e Māui rātou ko ūna tuākana te wā ki a tātou, ki te tangata. He nui ake te wā ki te whakahaere, ki te tauhokohoko, ki te whakauru i ū rātou pūkenga, i tō ratou kaha hoki hei painga karioi mō te whānau.

He tino rite taua māramatanga ki te ariā o te mātau ahumoni, engari ka hāngai pū ki te moni, tē hāngai kē ai ki te wā, ki te mahi, ki ngā pūkenga, ki ngā hua rānei. Koirā ko te mōhio ki te whakarite i ū moni kia whai hua aunoa ai; ko te mōhio ki te mahi moni, ko te mōhio ki te whakapau moni, ko te mōhio ki te whakahaere moni, ko te mōhio hoki ki te haumi moni. Heoi, e noho ana tō mōhio ki a koe anō, tō tūnga i te ao, ki tō tuakiri hoki hei tūāpapa mō ū whakataunga, hei wāhanga nui hoki mō tō mārama ki te ariā o te mātau ahumoni, hei painga hoki pea mō tō oranga.





Kaupapa 1

Tō tuakiri me te mātau ahumoni

Ka pēhea ō mōhiotanga ki a koe anō, ki tō wā kāinga, ki tō tūnga hoki i te ao e whakaawe ai i tō māramatanga ki te mātau ahumoni?

He nanakia a Māui. Heoi anō, i mōhio ki a ia anō me tōna tūnga i te ao. Nā tēnei i pikī ai tōna māia, arā, koia te tūāpapa mō te nuinga o ana whakatau. Ko te mutunga iho, i taea ngā mahi nunui te whakaoti, pērā i te whakapōturi i te rā. Pēnei i a Māui, ki te kaha ake tō mōhiotanga ki a koe anō, ki tāu ake tirohanga hoki hei rangatahi Māori, ka pai koe i ō whakataunga, tae atu ki ngā whakataunga mō te taha ki te ahumoni.



Pēnei i ngā rangatahi Māori maha, kāore pea koe i te mahi moni i tēnei wā. Heoi anō, kāore e kore kua kite koe i ō mātua e hoko mai ana i ō hū kura, e hoko kai ana mā te whānau, e utu nama ana rānei. Tērā pea, kua kitea te mahere pūtea o ia wiki, o ia rua wiki rānei a ū mātua, ka mutu, e mātāmua ana ngā hiahia o te whānau, ā, ko te moni anake te aronga o te mahere. Whakaroarohia ētahi atu mahi a tō whānau e whai wāhi nei ki te oranga o te whānau. He mahi whakapau wā, whakapau kaha hoki tērā ki te whakatutuki i aua mea, engari kāore pea i te kitea.


He mea tuku iho tō tirohanga Māori hei rangatahi i tō whakapapa, i te taha hoki o ētahi atu āhuatanga nā ngā atua me ngā tipua, pēnei i a Māui. Nā reira, nā tō tirohanga whānui ka nui ake te uara o te aroha, o te mana, o te whanaungatanga, o te manaakitanga hoki, kaua o te moni.

Ko te koha, ko ngā mea katoa e pīrangi ana koe ki te hoatu, ā te wā hoki e pīrangi ana koe ki te hoatu. Whakatinanahia ai te takoha i ngā pōhiri, ā, i te nuinga o te wā, he moni te koha ka hoatu e te manuhiri ki te tangata whenua. Heoi, he wā ōna, ko te takoha he hipi, he poaka, he pāua, he kōura, he aha atu, he aha atu. He wā kē hoki ka whakatakotoria he momo koha rerekē, pēnei i ngā taputapu hiko ka kohaina ki tētahi marae i te wā o te DIY Marae i reira. Me whakaaroaro ngā wā i hoatu koha ai ētahi o tō whānau, pērā i:

- te haere ki te kohikohi mātaitai, te whakangau poaka mō tētahi marae, mō tētahi hui ā-kura rānei.
- te āwhina i runga i te paepae, i roto rānei i te kāuta i tētahi tangihanga
- te hari i ngā tamariki katoa i tētahi kōhangā reo, i tētahi kura, i tētahi wharekura rānei ki te tangihanga me te whakahoki i a rātou i muri iho.

I whakapau wā tō whānau ki te mahi i ēnei mahi hei oranga mō te whānau; waihoki, koia te tūāpapa o tā te Māori tiro ki te ao, me te whai rawa o te whānau.

Engari i tua atu o tērā, e kite kē ana tātou i ētahi tauira o ngā whānau e whakatinana ana i ngā ariā matua o te mātau ahumoni, engari tē whakapau kē ai i ā rātou moni, e whakapau wā ana rātou ki te whakamahi i ū rātou pūkenga me ū rātou pūmanawa, me te haumi atu ki roto i te whānau me te hapori whānui atu mā roto mai i te whakapau wā me te manaakitanga. Mā te whakatutuki i te takoha me te manaakitanga i roto i te whānau, ka whai rawa tātou ki te aroha. Ahakoa ko te kohikohi kai, ahakoa ko te mahi moni mō ngā hui me ngā haerenga, ahakoa ko te āwhina i te marae, ka tino whai wāhi te katoa ki te oranga o ū tātou whānau.





Ngohe 1: Te puka kaute koha


Mō tēnei tūmahi, me tuhi pea ō whakautu ki ngā tīwae kei raro nei, ka whakaae ki te tāhopu ā-waha i ō whakautu, ki te whakaahua rānei i ō whakautu, kei a koe te tikanga.

Whakaaroohia ētahi tauira ‘tūturu’ e 3 o ngā koha i kitea ai e koe. Mō tēnā tauira, mō tēnā tauira, whakakīia ia wāhanga o te puka kaute o raro nei. Kua oti kē tētahi hei tauira ki a koe. Me maumahara, kāore e inea te uara o te koha e ai ki te moni, nā te mea e ahu mai ana te koha i te aroha, i te mana, i te manaakitanga hoki. E āhukahuka ana tēnei puka kaute i ētahi atu utu ‘tē kitea’ e pā ana ki te koha.

He tūāhua

‘I haere ūku mātua ki te kohi mātaitai i te one o te rohe mō te poroporoaki. I pau i a rāua tahi te takiwā o te 2 haora. I te hokinga mai ki te marae, i pau te rā i roto i te kāuta i a rāua e mahi ana.’

| Te Koha | Ērā atu mea i takohatia: | Te āwhiwhinga o te tapeke moni: | |
|------------|--|--|---|
| Hei tauira | <ul style="list-style-type: none"> • He kaimoana mō te poroporoaki • Te manaakitanga - i 4 haora te roa o te mahi i te kāuta | <p>Te tamō i te mahi whai utu (7.5 haora) x 2</p> <p>Te penehīni mō te taraiwa ki te one</p> <p>I 4 haora te roa o tā te tokorua mahi i te kāuta</p> | <p>1. \$400 2. \$30 3. \$120</p> <p>Te tapeke: E \$550 pea te tapeke</p> |
| 1. | | | |
| 2. | | | |
| 3. | | | |



Kaupapa 2

Te Whare Tapa Whā: te oranga torowhānui me te mātau ahumoni


Ko te aha te hononga o te oranga ki te mātau ahumoni?

Te Whare Tapa Whā me te Mātau Ahumoni

I tā Māui whakapōturi i a Tamanuiterā, ka whakaūria te whakaroanga o te wā i taurite ai ngā wāhanga o ū tātou anō Whare Tapa Whā. Nā tōna māia i taea ai. I ahu mai tana māia i tōna mōhiotanga ki a ia anō, ki tōna wā kāinga, ki tōna tūnga hoki i te ao. I mōhio hoki ia ki te whakamahere, ki te whakatakoto whāinga me te whakamahi tika i te wā, i ngā rawa, i ngā tāngata hoki, ki te haumi hoki ki roto i ētahi atu tāngata mā te tiritiri i ūna mōhiotanga nunui ki a rātou. He tipua tino māia a Māui. Engari i whakahirahira kē atu te hāngai o ūna āhuatanga ki te mātau ahumoni.

Ko tō mōhio ki a koe anō, ki tō wā kāinga, ki tō tūnga hoki i te ao ka whakaawe i ū whakataunga. E pai ai tō mātau ahumoni, me pai ū pūkenga whakataunga kia pai ake ai tō whakahaere moni me tō haumi moni, e whakaaweawe nei i tōu oranga me te oranga hoki o tō whānau.

Kia pai ake ai tō mōhio ki te hononga i waenga i te oranga me te mātau ahumoni, e whakaatu ana te tūtohi i raro nei i ngā pūkenga me ngā āhuatanga o Māui mā te kōrero pūrākau mō tana whakapōturi i te rā. Kei te tīwae o te Mātau Ahumoni ētahi ariā matua e hora ana i te whai pānga pea o aua āhuatanga ki te mōhio ahumoni. I te tīwae whakamutunga ka pātaitia koe e te Whare Tapa Whā ki te whai whakaaro ki te pānga takatika tērā pea ka puta i te mātau ahumoni ki te oranga torowhānui. Heoi, ehara i te mea kei te tika, kei te hē rānei ngā whakaaro.



Māui - Te Mātau Ahumoni - Oranga

| | | |
|---|---|--|
| Ngā Āhua <i>Ko ngā āhuatanga o Māui i tautohutia i te pūrākau mō tā Māui whakapōturi i te rā.</i> | Te Mātau Ahumoni <ul style="list-style-type: none"> • <i>Te whai i tētahi mea (pēnei i te moni).</i> • <i>Te whakahaere i tētahi mea (pēnei i te moni).</i> • <i>Te haumi mā tētahi mea (pēnei i te moni), ki tētahi mea rānei.</i> • <i>Te whakarite kia whai hua tētahi o āu mea (pēnei i te moni) ki a koe.</i> | Te Whare Tapa Whā <i>Tēnā, whakamāramatia tā te mātau ahumoni whakaawe i te Whare Tapa Whā. Ehara i te mea me whakaoti i ngā pou e whā.</i> |
| Te tino rangatiratanga (e whakapai ake ana i te ao o ētahi atu, me tōu ake ao). | He mea whakahaere e Māui tōna wā, ūna pūkenga me ūna āhuatanga ki te whakatutuki i taua mahi. | Te Taha Whānau I whakahihikotia a Māui e te whānau ki te kimi rongoā whai take mō te oranga ā haere ake nei. |
| I ngākau titikaha a Māui ki te whakapōturi i te rā kia roa ake ai te wā kia noho tahi te whānau. | <p>I whakapau a Māui i te wā me te kaha ki te whakaoti i te rapanga, kia kimihia ai ētahi rongoā whai take, rongoā karioi hoki.</p> <p>I whakamahi a Māui i tōna mōhio ki te whai rongoā, ka mutu, ka ea tāna i tōminamina ai.</p> | Te Taha Wairua I whakamahi a Māui i ngā mōhiotanga taketake, pērā i te karakia hei ārahi, hei kōkiri hoki i ngā pānga karioi ki ūna uri, ki ngā uri ā haere ake nei. |
| | | Te Taha Hinengaro Nā tōna kōkiritanga ā-hinengaro, nā tōna pukutohe i ea ai tōna wawata. Te awhero me te hihiko rāroto. |
| | | Te Taha Tinana Tāu whakatau i tōu whakatipuranga me tōu whanaketanga. |



Ngohe 1: Te Whare Tapa Whā me te mātau ahumoni

Mō tēnei tūmahi, me tuhi pea ō whakautu ki ngā tīwae e wātea ana, ka āhei te tāhopu ā-waha i ō whakautu, te whakaahua rānei i ō whakautu, kei a koe te tikanga.

Kei a koe ināianei!

1. Ki te tīwae tuatahi: Me whakaaroaro ngā pūkenga me ngā āhuatanga o tō whānau. Hei tauira: He tino manu kōrero, he kaikaranga whakamīharo, he pukumahi, he pai ki te kohi kaimoana, he toa ki te kapa haka, he tautōhito ki te mahi māra, he puna aroha, ka taea e māmā ngā mea katoa te tunu, he tino ihumanea taku tuahine, he tino tere taku tuakana.
2. Ki te tīwae tuarua: Me whakaatu mai tā aua āhuatanga āwhina i te mātau ahumoni o tō whānau, arā, te whai i te moni, te whakahaere i te moni, te haumi ki te moni, te whakarite kia whai hua tō moni ki a koe.
- 3 . Ki te tīwae tuatoru: Kōrerotia te whakaawenga o aua āhuatanga i tō Whare Tapa Whā. Heoi, ehara i te mea kei te tika, kei te hē rānei ētahi whakaaro.

Kei raro iho nei tētahi tauira hei āwhina i a koe.

| Ngā Āhuatanga o te Whānau | Te Mātau Ahumoni | Ngā Pou o Te Whare Tapa Whā |
|--------------------------------------|--|---|
| <i>He tino kaikōrero taku matua.</i> | <i>He mea hāpai te tika me te kounga o tōna reo e ūna mātua, ka mutu, i nui te whakapau a ūna mātua i ūrāua kaha ki tā ūrāua tama e tū ai ia hei waha mō tōna iwi.</i> | Me whakamārama mēnā he pūkenga, he pūmanawa ū te whānau: <ul style="list-style-type: none">• ka whai hua ki tō whānau, ki a koe anō rānei• ka whakakaha i te oranga o te whānau, i te oranga whaiaro rānei• ka whakaaweawe i tētahi, i ētahi, i te katoa rānei o ngā pou o te Whare Tapa Whā. |
| | | Te Taha Whānau: <i>Nā tōna pai ki te kōrero ka tū ia ki te pupuri i te mana o tōna whānau i ngā huinga ā-iwi.</i> |
| | | Te Taha Hinengaro: <i>Kua nui te korikori o tōna hinengaro i ngā mahi ako o ngā tau ka mahue.</i> |
| | | Te Taha Wairua: <i>Ka taea e ia ngā karakia katoa e tau mai ai ngā manaakitanga a ngā atua ki a ia me tōna whānau.</i> |
| | | Te Taha Tinana: <i>Kua nui te whanake o ūna pūkenga i roto i ngā tau, ka mutu, kua ora tōna tinana i ēnei whanaketanga.</i> |

Tuhia ō whakautu ki konei:

| | | |
|---------------------------|------------------|---|
| Ngā Āhuatanga o te Whānau | Te Mātau Ahumoni | <p>Ngā Pou o Te Whare Tapa Whā</p> <p>Me whakamārama mēnā he pūkenga, he pūmanawa ū te whānau:</p> <ul style="list-style-type: none">• ka whai hua ki tō whānau, ki a koe anō rānei• ka whakakaha i te oranga o te whānau, i te oranga whaiao rānei• ka whakaaweawe i tētahi, i ētahi, i te katoa rānei o ngā pou o te Whare Tapa Whā. |
| | | <p>Te Taha Whānau:</p> |
| | | <p>Te Taha Hinengaro:</p> |
| | | <p>Te Taha Wairua:</p> |
| | | <p>Te Taha Tinana:</p> |
| | | <p>Te Taha Whānau:</p> |
| | | <p>Te Taha Hinengaro:</p> |
| | | <p>Te Taha Wairua:</p> |
| | | <p>Te Taha Tinana:</p> |




Kaupapa 3

Te tikanga o te whai rawa, o te hōhonu o te pūkoro rānei ki te rangatahi Māori

Hei rangatahi Māori, he pēhea te āhua o tō whai rawatanga?

Nā tā Māui whakapōturi i te rā i nui ake ai te wā ki a ia me tōna whānau kia ngahau ake ai te noho tahi hei whānau e whai wā ai rātou ki a rātou. I rongo ia i te whai rawa i roto i a ia anō, arā, ko te aroha, ko te whanaungatanga me te manaakitanga te pūtake. I tino whakahirahira ki a Māui te hononga o tētahi ki tētahi e whai hua ana ki tēnā, ki tēnā. I te tirohanga Māori, e mātāmua ana te whakatewhatewha i te whai rawatanga i roto i a koe anō. Mā reira e kaha ake ai tō mōhio ki te mātau ahumoni i roto i tōu anō ao.

He mea nui kia mārama koe ki te korenga o ngā moni me ngā rawa ūkiko e whakakoakoa i a koe anō. Kāore e kore, ka kua kē atu koe i tō mōhio ki a koe anō, i tō mōhio ki tō wāhi i te ao me ngā kare ā-roto e pupū ana i tō whānau, pēnei i te aroha me te manaakitanga. Mā aua āhuatanga koe e uruhi ki te whakatutuki i ngā mea katoa ka taea e koe, kātahi nā koe ka rongo i te tino whai rawatanga ki roto i a koe.



He maha ngā whānau e rongo ana i te whai rawa motuhenga i te āwhina i ētahi atu mā te takoha i ngā wā e tino hiahariatia ana, i te manaaki hoki a tētahi i tētahi, i te kite hoki i tētahi atu e whakatutuki ana i tētahi o ana whāinga pae tawhiti, i te noho tahi hoki ki a rātou. Ka rongo hoki pea i aua momo kare ā-roto i te ekenga ki tērā taumata o te mātau ahumoni ki a koe, ki tō whānau hoki, nā te mea he angitu ka rangona e te whānau, kaua ko te whai moni me te haumi moni noa iho.



Ngohe 1: Kia nui te wawata, kia atamai te whakamahere


I te tūmahi kei raro nei ohia manomanotia ngā mea e mahi ana koe, tō whānau hoki, e totoko ai te aronga whai rawa me te whakahī. Tuhia ēnei ki te kapua i raro. Tuhia te maha rawa o aua mea ka taea e koe te whakaaro, ka kōwhiri ai ko tēhea o ēnei e tino kaingākaunui ai koe.


Nā, me pohewa te whakatūturu mārika i taua mea - te huri i te wawata kia tūturu ā-tinana. I a koe e pohewa ana, me huritao ēnei pātai:

- Ka āta taea e koe taua wawata?
- Whakaaroarohia ngā karere huna i roto i te pūrākau ‘I pēhea tā Māui whakapōturi ake i a Tamanuiterā.’ Ko ētahi o ēnei ko te whakamahere, te whakatakoto whāinga, te aroha, te manaakitanga, me te nui noa atu. Ka āwhinatia koe e ētahi o aua ariā?
- Huritaotanga tāu i ako ai mō te mātau ahumoni, ka taea e aua ariā koe te āwhina?

Tuhia, ka tāhopu rānei i ō huritaotanga mō ngā ara e ea ai pe a tō wawata. Kāore he whakautu tika, hē rānei, ā, ka whakatepea koe e ngā tepe noa iho o tō pohewatanga - kia nui te wawata, kia atamai te whakamahere.

1. He Kapua Ohia Manomano





2. Kia Nui Te Wawata, Kia Atamai Te Whakamahere

Hei tauira

| | |
|---|---|
| Tōku wawata: | <i>Ki te waiata.</i> |
| Taku huritao: | <p><i>E tino rongo ana au i te whakahī ina waiata au. Ka rongo anō hoki i te whai rawatanga i roto nei, nā te mea he pārekareka ki tōku whānau te whakarongo ki a au e waiata ana. Nā rātou i whakarite kia waiata au i ngā whakataetae i toa ai au. Ko tōku pīrangī, ko te mahi hei kaiwaiata. Kei te mōhio ka pai taua mahi ki a au; waihoki, ka whakahīhī tōku whānau.</i></p> |
| Me pēhea au e whakatutuki ai i tēnei? Me aha ahau? Mā wai au e āwhina, e tautoko rānei? Ngā ara e angitu ai. | <p><i>Me whakamahere i ngā ara hei whakatutuki i tēnei. Me haere pea au ki ngā akoranga waiata. Me pēhea taku whānau e tautoko ai i ahau? Me pēhea taku whai moni hei utu i tēnei wawata? He akoranga utu kore e wātea ana ki a au? Ka hia te roa hei whakatutuki i te wawata nei?</i></p> |

Hei mahi


| | |
|---|--|
| Tōku wawata: | |
| Taku huritao: | |
| Me pēhea au e whakatutuki ai i tēnei? Me aha ahau? Mā wai au e āwhina, e tautoko rānei? Ngā ara e angitu ai. | |



Ngā pātai matua

1. Ka pēhea tō mōhio ki a koe anō, ki ōu iwi, ki tō wāhi hoki i tēnei ao e whakaawe ai i tō mātau ahumoni?
2. He aha te hononga o te whakamahi i ngā pūkenga me te wā ki te mātau ahumoni?
3. He aha ētahi huānga o ngā whakaaro o te Māori e pā ana ki te whai rawatanga, me te horopaki o ēnei hei wāhanga mō te oranga?
4. He aha ngā hononga i waenga i a koe, i te whānau, i te oranga, me te mātau ahumoni?
5. He aha te hononga o te oranga ki te mātau ahumoni?
6. Hei rangatahi Māori, he pēhea te āhua o tō whai rawatanga?





He ngohe whakawhanake 1

Ngā ariā matua


Me hoki ō whakaaro ki ngā akoranga o te kaupapa nei, o te mātau ahumoni me te hononga ki te ao Māori. Me mahitahi kōrua ko tō hoa, koutou rānei ko ētahi hoa ki te whakarāpopoto i ngā akoranga matua o te kaupapa nei. Whakamahia ngā pātai matua hei ārahi i a kōrua, i a koutou rānei. Me poto, me hāngai ā koutou tuhinga.

1. He aha ngā whakaaro matua kua puta i te kaupapa?

.....
.....
.....
.....
.....
.....
.....
.....
.....

2. E ai ki te kōrero, ‘Ko te wā te moni, ko te moni te wā’. Kua kapi pea ētahi o ngā whakaaro matua o te kaupapa nei i tēnei kōrero. Heoi, arā anō ētahi huatau matua kua puta. Māu, mā koutou rānei ko ō hoa tētahi kīwhaha anō e tito hei whakakapi i ētahi atu huatau matua. Kia auaha ō koutou whakaaro, engari, me poto, me hāngai te kōrero kia tere mau i te taringa.

.....
.....
.....
.....
.....
.....
.....
.....
.....



He ngohe whakawhanake 2

Te koha me te oranga o te tangata

Kia mārama ake ai te hononga o te toiora tangata ki te mātau ahumoni, me uiui koe i ētahi tāngata e whai mahi ana i tō whānau. Tukuna ēnei kōrero, ēnei pātai hoki hei whakaaro, hei whakautu mā rātou:

- Kōrerotia mai te koha whakamutunga i hoatu ai e koe.
- I aha koe kia ea, kia tutuki hoki tō hoatu?
- He aha te utu āwhiwhi mō te koha?
- Ko ēhea pou o Te Whare Tapa Whā ērā i whai pānga nui ai i te koha?

Whakakīa te tūtohi kei raro iho nei i a rātou e whakautu ana i ia pātai. He tauira kei reira hei tirotiro māu. Kia maumahara, ehara i te mea he whakautu tika, he whakautu hē rānei.

| Te koha me tōna pūtake | Ngā momo taputapu i whakamahia | Tana utu | Te Whare Tapa Whā |
|--|---|--|---|
| <i>Te kohi mātaitahei whāngai i te whānau.</i> | <ul style="list-style-type: none"> • <i>Te hautū i te waka ki tai</i> • <i>E 2 haora i pau ki te kohi mātaitahei (x2 tāngata)</i> • <i>1 haora ki te tuaki, ki te whakarite (x2 tāngata)</i> | <i>E \$20</i> <i>E \$80</i> <i>E \$40</i> <i>\$140 te tapeketanga</i> | <i>Te Taha Whānau, Te Taha Wairua, Te Taha Tinana</i> |
| | | | |
| | | | |